

2

0

1

6

# Literatura Sariak

"R. M<sup>o</sup> Azkue"  
*saria*



*Idazle gazteak*



# A G U R R A

Bilbao Bizkaia Kutxak eta Euskaltzaindiak atsegin handiz argitaratzen dituzte bi erakundeon artean aspaldidanik idazle gazteentzat antolatu dituzten literatura sarien deialdiak.

Idazle handia izateko gaztetatik trebatu behar denez, R.M<sup>a</sup> AZKUE izeneko sariak antolatzen ditugu, gure gazte eta gaztetxoak literaturara erakartzeko.

Hau dela eta, lehiaketa hauetan parte hartzera bultzatu nahi ditugu literatura-sortzaile gazteak, ziur gaudelako euren ekarpenak mesede handia egingo diela gure hizkuntzari eta kulturari.



# O I N A R R I A K

## *Egileei eta lanei buruzkoak*

---

1. Sari hauetara euskaraz idatziriko edozein narrazio edo olerki-lan aurkez daiteke, egilearen bizilekua edo nazionalitatea edozein izanik, ondorengo adin mailen barruan:  
A maila: 2003, 2004, 2005 eta 2006an jaioak  
B maila: 1999, 2000, 2001 eta 2002an jaioak
2. Sariketa hauetara aurkeztu ahal diren lanak originalak eta inoiz argitaratu gabeak izango dira, eta ez da onartuko beste lanen baten itzulpen edo moldaketarik. Halaber, ez da onartuko beste inon saritutako lanik.
3. Ez Bilbao Bizkaia Kutzak ez Euskaltzaindiak ez dute erantzukizunik izango sortzaileek aurreko araua betetzen ez badute; beraz, egileen zintzotasunaren ardurapean geratzen da erantzukizuna. Baina egileek ez badute aurreko araua betetzen, erakunde antolatzaileek emandako saria itzultzeko eskatuko diete.

## *Aurkezpenari buruzkoak*

---

4. Lanak, makinaz alde batetik idatzirik aurkeztuko dira, folio edo A4 neurriko orrietan. Bestalde, hiru kopia bidali behar dira.
5. Lanek gutxieneko luzera hauek izan beharko dituzte:

Mota	A maila	B maila
NARRAZIOA	2 folio	4 folio
OLERKIA	15 lerro	30 lerro

6. Aurkezteko epea 2016ko abenduaren 23an amaituko da. Lanak helbide honetara bidaliko dira:

EUSKALTZAINDIA  
Plaza Barria, 15  
48005 BILBO

7. Lanarekin batera, sobre edo gutun-azal itxi bat bidaliko da datu hauekin:

*Azalean:*

- Lan mota: Narrazioa edo Olerkia
- Lanaren izenburua
- Egilearen jaioteguna

*Barruan:*

- Egilearen izen-deiturak
- Helbidea
- Posta e.
- Telefonoa
- Irakasle edo laguntzailearen izena
- Ikastetxearen izena

## *Epaimahaiakoei buruzkoak*

---

8. Epaimahaiak literatura eremuko pertsona adituek osatuko dituzte eta Euskaltzaindiak izendatuko ditu. Bilbao Bizkaia Kutzak epaimahaietako idazkariak izendatu ahal izango ditu, eta hauek hitza izango dute, baina ez botorik.
9. Epaimahaien erabakiak behin betikoak izango dira.

## *Sariekikoak*

---

10. Bilbao Bizkaia Kutzak emango dituen sariak ondokoak izango dira:

	Saria	A maila	B maila
NARRAZIOA	1.a	300 €	300 €
	2.a	240 €	240 €
	3.a	180 €	180 €

	Saria	A maila	B maila
OLERKIA	1.a	300 €	300 €
	2.a	240 €	240 €
	3.a	180 €	180 €

Sariok jaso dituzten gaztetxoek lanak arteztu dituzten irakasleek edo laguntzaileek 60na euroko saria jasoko dute

11. Sariketako diru kopurua zatiezina izango da, eta mahaikoen erabakiz, eman barik utz daiteke.
12. Epaimahaikoen erabakiak 2017ko martxoaren 15a baino lehen iragarriko dira.

### *Lanen jabetasunari buruzkoak*

---

13. Lan sarituen jabegoa egilearena izango da, baina Euskaltzaindiak eta Bilbao Bizkaia Kutxak, urte-beteren barruan, sarituriko lanen argitalpen-eskubidea beraiena izango dute.  

Argitalpena osokoa edo zatikakoa izan daiteke, baina honen berri aurretiaz eman beharko diote egileari.

Argitalpenak ez du egile-eskubiderik izango, hau sariaren barruan baitago.
14. Sarituriko lanak argitaratzekotan, ezinbestekoa da irabazitako saria aipatzea.

### *Lanen itzultzeaz*

---

15. Epaimahaikoen erabakia jakin ondoren, saritu gabeko lanak deuseztatu egingo dira. Beraz egileei eskatzen diegu aurkeztutako lanen kopiarekin gera daitezela, euren gobernurako.

### *Oinarrion ulertzeko moduz eta onartzeaz*

---

16. Sariketa honi buruzko itaun oro Euskaltzaindira zuzendu beharko da.
17. Errekurtsorik bideratu barik, sariketa-deialdiaren tramitazioan sor daitezkeen gorabeherak Euskaltzaindiak eta Bilbao Bizkaia Kutxak erabaki ditzakete.
18. Sariketa honetara aurkezten denak oinarriok onartu beharko ditu.



**EUSKALTZAINDIA**

[www.euskaltzaindia.eus](http://www.euskaltzaindia.eus)



[www.bbkeus.com](http://www.bbkeus.com)